

Cheur liber (21 Mars, giornà dla poesia)

Pròpi cand che la vita at fà core
e it l'has sempe li 'l feu a le trosse,
it deve savèj pijé 'n moment d'arlass
e buté da banda minca sagrin.

I lo sai pro' che j'angagg a son tanti,
e certi afé as peulo nen chité,
ma venta feje con tut sò bel deuit
s'as veul rivé a toché bara franca.

Peui na vira chità tuti j'afé
a l'é bel amussesse con giust gàubi
ant un moment bon asi e silensios

për deje n'andi dru a le grumele
e con un crajon scrive 'd poesia
për peui sentse la ment ch'a vòla 'n cel
con cheur franch liber da parpajòla.

Carlin Pòrta